

**Theologia Scholastica Secundum Viam Et Doctrinam D.  
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

Disputatio XXVI. De existentia peccati Originalis.

---

[urn:nbn:de:hbz:466:1-74152](#)

# TRACTATUS VII.

## DE PECCATO ORIGINALI.

### PROLOQUIUM.

**P**ostquam *personalis peccati* stygiam larvam ab oculis tuis removi, Amicè Lector, ecce! novum monstrum objicitur, *peccatum originale*; hydra non minus caudā, quam capite metuenda: Capite; nam est culpa Capitis, & à capite venenum lethale diffudit in omnia humanæ naturæ membra: Caudā quoque; non enim tertiam tantum partem, ut ille draco Apocalypticus; sed omne genus humanum (exceptâ illâ, quæ *caput serpentis contrivit*) feralibus, & inclucabilibus spiris implicuit. Tractatum de hoc originali peccato angelicus Doctor suscepit q. 81. & per tres consequentes questiones expedivit, cum ageret de causis peccati; ubi post varias peccatorum causas, ostendit, in peccato originali etiam hominem homini lupum esse, quanvis de eodem in 4. contra gentes à c. 50. usque ad 52: & q. 4. & 5. de malo iam prius disputaverit. Mihi materia gravis & amplitudo persuasit, ut originale peccatum, tanquam personali oppositum in speciale Tractatum digererem. Necessitatem hujus Tractatus agnoscit D. Augustinus eo ex capite, quod tota fermè doctrina fidei & Religionis Christianæ illius notitiam & fidem presupponat: *In causa duorum hominum* (inquit de peccato originali c. 23.) *per quorum unum venundati sumus sub peccato, per alterum redimimur à peccatis, propriè fides Christiana consistit.* Difficultatem quoque illius ingenuè fatetur l. 3. de peccator. mer. & remiss. c. 4. dicens: *Licet nihil sit hoc peccato ad prædicandum notius, nihil tamen est illo inter fidei nostræ mysteria ad intelligendum secretius.* Quam tamen difficultatem ductu angelici Doctoris superare & eluctari conabimur.

### DISPUTATIO XXVI.

DE

#### Existentia peccati originalis.

**N**omine peccati originalis à Catholicis intelligitur quidam defectus moralis, *five labes*, quæ hominem naturali viâ generationis ex Adamo totius humani generis Capite descendenter, ex vi illius peccati, quod primus parentis commisit, comittatur & inquinat, ac quamdiu non abluitur, aut remittitur, DEO exosum reddit, eumque ab *eterna beatitudine* excludit. Dicitur *originale*, partim quia derivatur ab Adamo, qui est *caput & origo naturæ humanae*, partim quia à prima origine & instanti

ti animationis, quo anima corpori infunditur, & vi propagationis seminalis animam maculat, ex quo capite etiam dicitur peccatum naturæ.

## ARTICULUS I.

An detur peccatum originate?

## SUMMARI A.

1. Quid nominis peccatum originate?
2. Hæres de peccato originate.
3. Hæres recentiores.
4. Veritas Catholica ostensa ex Concilio.
5. Ex S. Scriptura.
6. Ex baptismō infantum.
7. Ex effectu.
8. Exponuntur objecta testimonia S. Script.
9. Exponuntur testimonia.
10. Solvuntur rationes hereticorum.
- II. Et ostenditur, honestatem conjugii non violari per traductionem peccati originalis.

## §. I.

## Veritas Catholica.

2. **V**arias hæres circa peccatum originate evomuit. Ex antiquis fuit in primis hæres Manichæorum, dicentium, quod Adamus peccando nobis nihil, sed sibi soli nocuerit. Unde etiam negabant mortem corporis, aliaque miseras esse effectum peccati originalis. Eundem errorem initio tenuerunt Pelagiani, sed ut habet S. August. l. 3. de peccat. merit. & remiss. c. 6. & l. de hæres, hær. 88. postea vero, ut satisfaccerent objectis, S. Script. authoritatibus, ac definitioni Concilii Palæstini, in quo predicta hæres fuit damnata, dixerunt, Ad peccatum posteris nocuisse non verâ propagatione, sed imitatione & exemplo, prout refert idem S. P. lib. de pecc. origin. a. c. 12. u. q. ad 1. Postremò tandem concenserunt nocuisse quoad mortem ac pœnas corporis, non autem quoad mortem animæ, & verum aliquod peccatum, ut habet S. August. l. 4. contr. 2. epist. Pelag. Acceserunt Armeni VII. seculo, qui apud Gaulterium, cum baptismum ad salutem necessarium esse dicenter, tamen tollebant originale peccatum, & sacramentis vim gratiam conferendi adimebant.
3. Hos posterioribus sæculis secuti sunt Albigenenses apud D. Antoninum p. 4. tit. 1. c. 7. §. 5. Abailardus ep. 188. Zwinglius in l. de baptismo dicens: Peccatum originis non esse peccatum, sed naturæ morbum. Joannes Westphalus apud eundem Gaulter. ad annum 1600. c. 12. n. 12. dicens: Non esse peccatum ullam originis, neque S. Augustino, qui id assertat, fidem ullam habendam esse.
4. Adversus istos hereticorum errores est inconsuum fidei dogma, peccatum originate habere veram rationem culpæ per naturalem propagationem à primo parente traducta in posteros. Ita contra Pelagianos definitum est in Concilio Palæstino, cuius meminuit D. Augustinus l. 1. contra Julian. c. 2. In Milevitano, can. 2. Arausiano l. 1. c. 2. iis precipue verbis: Injustitiam DEO dare convincunt, qui mortem sine peccato, quod est

meritum mortis, transire dicit. Florentius in Decreto Unionis. In Tridentino sibi, s. dict. de pecc. orig. definiens can. 2. Si quis Ad variationem sibi soli, & non eius progenie, sibi nocuisse, & acceptam a DEO sanctitatem & iustitiam, quam perdidit, sibi soli, & non nobis etiam eum perdidisse, aut inquinatum illum per inadvertientia peccatum mortem, & pœnam corporis tantum in omni genuso humana transiit, non autem & peccatum, quod mors est anime, anathema sit, &c.

Deducitur primò ex manifestis S. Scripturae & simoniis. Et primò ex Job c. 14. v. 4. Qui potest facere mundum de immundo conceptus simile? quem textum 7o. Interp. quos sequuntur DD. Augustinus, Cyprianus, Ambrosius, legunt. Nemo mundus a sorde, nec infans, cuius est anima vita super terram. Et Hebrei: Quis datus mundum ab immundo? non unus, etiam breves dies ejus. Quae portio ista labes, que etiam unius diei infantem polluit, nisi originalis, cum de ipsius rituali labore animæ sermonem esse ostendant, & baadjuncta: Nonne tu, qui solus es? Et rufus. Et dignum ducis super huncus modi aperire oculi tuos, & adducere eum tecum in iudicium. Spirituales quippe fortes ablueri, proprium DEI munus est: neque pro alia, quam animæ labo & culpa aliquis adducitur in iudicium.

Secundò in Psal. 50. v. 7. David, Ecce, inquit, in iniurias concepi sum, Hebrei: in iniurias. Quod cum non possit intelligi de iniurias parentum, siquidem David ex legitimo fuit tunc progenitus, neque de propria personali, solum potest accipi de iniurias, & peccato originali.

Tertiò. Apostolus ad Rom. c. 5. v. 12. Pro unum hominem peccatum in hunc mundum traxit, & per peccatum mors, & ita in omnes homines mors pertransiit, in quo omnes peccaverunt. Et quibus sic arguitur: Juxta Apoll. Unius tempore primi hominis peccatum fuit causa, ut peccaverint omnes homines corripere [ideo dicit, in quibus peccaverunt] & obnoxios morti reddire, sed hoc non est peccatum personale, cum pertinet etiam ad infantes peccati personalis incapaces: ergo tantum est peccatum originale, & ita hunc locum ab Ecclesia semper intellendum responso Pelagianorum dicentium, quod peccatum Adami non propagatione, sed imitatione transferit in posteros. Nam primò dictum apostoli comprehendit etiam infantes, qui Adamum peccando imitari non potuerunt. Secundò, Hoc ratione Apostolus potius debuisset dicere, quod per diabolum peccatum intraverit in mundum, siquidem ipse primus peccando malum exemplum dedit sui lequacibus. Eadem doctissima

**¶** Confirmat Apostoli comparatio sub finem ejusdem cap, inter inobedientiam Adami, & obedientiam Christi, sicut enim per inobedientiam unius hominis peccatores constituti sunt multi, ita & per unius obedientiam iusti constituentur multi. Et illa consequentia 2. Cor. 5. Si unus pro omnibus mortuus est: ergo omnes mortui sunt. Sed constat, Christum fuisse mortuum pro omnibus hominibus, etiam parvulis: ergo omnes fuere mortui peccato non utique personali: ergo originali.

6. Probatur secundum antiquissimam Ecclesie consuetudine etiam infantes baptizantis, ad abluendum in ipsius peccatum originis, prout per formam baptismi significatur. Nec est alius momentum responso Pelagianorum dicentium, non dati parvulis baptismum in remissionem peccati, sed ad aperiendam januam regni coelestis. Nam contra est primò: quod primarius finis & effectus, quem baptismus practice significat, est emundatio a peccato, & spiritualis regeneratione, hoc est, justificatio, quā de causa Tit. 3. vocatur lavacrum regenerationis. Et Ephes. 5. dicitur Christus mandans Ecclesiam lavacrum aquae. Unde contrā est secundo. Quod celum non aperitur nisi removendo prohibens iis, qui per peccatum a celo fuerunt exclusi, unde nisi parvuli haberent peccatum, etiam a celo non essent exclusi ne illius apertione indigerent.

7. Probatur tertio ratione. Ubi reperitur necessarius effectus alicujus causæ, ibi & ipsam causam reperiri necesse est: sed necessitas moriendi, alias que miseris corporales sunt necessarius effectus peccati originalis juxta Divinam comminationem. Genes. 2. In quoque die comederis ex eo, mories morieris. Et Apostoli testimonium in cit. Rom. c. 5. dicentis, quod per peccatum primi hominis in omnes homines mors pervenit. Insuper comitatus hominem à principio sua conceptionis: ergo eundem etiam ab initio sua conceptionis comitatus peccatum originale.

## §. II.

### Solvuntur objectiones.

**O**bjectione primo authoritatem S. Script. nam Ezech. 18. dicitur. *Anima, qua peccaverit, ipsa morietur, filius non portabit iniuriam Patris: atqui si daretur peccatum originale, filius portaret iniuriam Patris:*

Secundò. Rom. 5. dicitur. *Regnavit mors ab Adam usque ad Moysen, etiam in eos, qui non peccaverunt: ergo licet omnes mortem corporis, non tamen omnes mortem animæ, seu peccatum ab Adamo traxerunt.*

Tertiò ibidem dicit Apostolus: *Per inobedientiam unius hominis peccatores constituti sunt multi: ergo non omnes per originem, sed multi per imitationem facti sunt peccatores.*

Quarò. 1. Cor. 7. ad Christianos Apostolus dicit: *Filiæ vestri sancti sunt: ergo non sunt peccatores.*

Quintò. Rom. 4. dicitur: *Ubi non est lex, nec prævaricatio: sed parvuli recens concepti non sunt capaces legis: ergo nec prævaricationis.*

Respondeo ad 1. Illum locum juxta expositionem S. Hieronymi loqui de pena spirituali ac-

nime, non de culpa: atqui peccatum originale non est propriæ peccata, sed culpa, & quidem non aliena tantum, sed etiam nostra, ideoque cum propter peccatum originale penas tum corporales tum spirituales patimur, non pro aliena, sed pro nostra culpa punimur.

Ad 2. Respondeo per Tò non peccaverum, intelligi peccatum personale, quod satis intelligitur ex adjunctis verbis: *in quo omnes peccaverunt.* Mens igitur Apostoli est, offendere, mortem corporis non esse effectum peccati personalis cuiusvis hominis; siquidem illi quoque, qui nunquam personaliter peccarunt, moriantur.

Ad 3. dico, Tò multi idem significare, quod omnes, cùm immediatè Apostolus præmisserit illa verba: *Per unius delictum in omnes homines in condemnationem, quo modo etiam Christus dixit: qui pro multis effundetur, hoc est, pro omnibus.*

Ad 4. Respondeo Apostolum solum loqui de sanctitate legali, ut idem sit sancti, quod legitti. Alii exponunt de sanctitate non in actu, sed potentia proximâ, cùd quod ob fidem parentum facilè posset filii applicari baptismus.

Ad 5. distingo subsumptum: parvuli in se spectati non sunt capaces legis, concedo; in suo capite, in Adamo spectati, nego: ergo non possunt peccare & prævaricari in se, & peccato personali, concedo; ut contenti in Adamo, & peccato originali, nego.

Objiciunt secundò autoritatem quorundam SS. PP. in primis Hieronymi, qui super Ezech. c. 19. ait, *Animam infantis esse sine peccato. Deinde Ambrosii in illud Psal. 48. Iniquitas calcantis mei, &c. dicit, nos ex Adamo non contraxisse peccatum, sed lubricum delinquendi. Deum Chrysostomi in epist. ad neophytes dicentis: Hac de causa etiam infantes baptizamus; cùm non sint coquinati peccato, ut eis deitur, vel addatur sanctitas, & adoptione, &c.*

Ad hanc objectionem respondit D. Augustinus 1. 1. cont. Julianum, vindicans SS. PP. à calumniis hæreticorum, præsertim Chrysostomum, eius verba ex Graco sic legenda ostendit: ideo & infantes baptizamus, quamvis peccata non habentes, & dicit textum intelligendum esse de peccatis propriis. Mox tacitam adversariorum replicam depellens subiungit: *Si inquires, cur non ipse addidit propria? Cur putamus, nisi quia disputationis in Catholicæ Ecclesiæ non se alter intelligi arbitrabatur, tali quaestione nullus pulsabatur, vobis nondum litigantibus securius loquebatur. Quæ responsio etiam satisfacit ad testimonia ex Hieronymo & Ambrosio adducta; nam Ambrosius quoque cùm dicit, nos ex Adamo non contraxissemus peccatum, sed lubricum peccandi, per peccatum intelligit personale, & actuale peccatum, quod propria voluntate committitur; per lubricum vero delinquendi intelligit vel ipsum peccatum originale, tanquam causam & radicem peccandi, vel fonsitem concupiscentiæ, qui culpam originalem præsupponit. Dici etiam potest cum Ysamberto ad q. 8. 1. disp. I. a. 4. commentaria, ex quibus hæc testimonia Hieronymi & Ambrosii assumentur secundum communem opinionem his SS. PP. falsò adscribi.*

Obj.

10. Obiiciunt tertio ex ratione. Si peccatum traduceretur ex Adamo, etiam anima traduceretur ex ipso: sed consequens est falsum: anima quippe creando infunditur: ergo. Sequela probatur: Peccatum est subjectivum in anima: ergo cum ipsum non possit seorsim traduci, necesse erit, ut una cum subiecto suo traducatur, & sic anima humana erit per traducem, quod est falsum.

Secundo, non est assignabilis causa peccati originalis animam actum insufficientis: ergo nullum datur. Antecedens probatur. Vel illius causa esset, qui generat, vel qui generatur, vel DEUS infundens animam, vel Adamus. Non qui generat, alias damnanda erunt conjugia, qua per actum generationis transfundunt originale peccatum; non qui generatur, ut per se patet. Non DEUS, quem implicat esse causam peccati, non Adamus, quem probabilis est nullum habuisse peccatum, cum filios coepit generare, primo peccato jam per penitentiam deletio.

Respondeo ad primum, negando assumpsum, & suppositum probationis, quod Adamus mediat, & proximi parentes proxime concurrent ad traductionem peccati originalis: cum enim iuxta dicenda in sequenti disputatione, illa traductio fiat propterea, quod semen humanum habeat privativam parentem illius vigoris, quo in statu innocentiae poterat propagare iustitiam originalem; illa vero privativa parentem dependet a sola voluntate Adami tanquam capitis, ideo proximi parentes nullo modo ad eandem concurrent, aut cooperantur; sed hæc ipsa parentia privativa in solius Adami voluntatem refunditur, & ad actum generationis non nisi concomitant, & per accidens se habet.

## ARTICULUS II.

### Quomodo peccatum originale sit voluntarium?

#### SUMMARIA.

1. *Propositio difficultatis.*
2. *Aliud voluntarium formale, aliud terminativum.*
3. *Terminativum applicatur parvulis.*
4. *Quidam intelligunt nomine pacti cum Adamo.*
5. *Ostenditur hujus pacti impossibilitas.*
6. *Et probatur necessitas.*
7. *Quod debuit esse Adamo revelatum.*
8. *Peccatum originale est parvulis terminativum voluntarium.*
9. *Respondeatur ad rationem difficultatis.*
10. *Replica solvitur.*

#### §. I.

##### *Prenotanda.*

1. Adhuc superest difficultas, quo pacto originale peccatum possit habere veram rationem culpæ: omnis quippe culpa debet esse voluntaria; atqui macula originalis non est infantibus voluntaria, qua de causa etiam ante baptismum innocentes vocantur: ergo macula originalis non potest habere veram rationem culpæ. Pro cuius dubii resolutione, prænoscenda est in primis diversa acceptio voluntarii. De quo
2. Notandum primò ex alibi dictis, quod voluntarium sit duplex: unum consistens in actuali voluntatis exercitu, quod dicitur voluntarium formale, cuius generis sunt omnes actus, & omnis

cum filios generaret, jam erat per penitentiam deletum, prout erat personale, & ipsi proprium, concedo; prout erat originale, & voluntarium voluntate capitinis, nego. Tunc enim, cum penitentiam ageret, jam a capitinis dignitate deciderat.

Sed instas: Necdum salvatur honestas conjugii, & commercii maritalis: quia tamen est ab Adamo mediata & remotè per propagationem leminalē traducatur originale peccatum: ad hanc tamen traductionem proxime & immediate concurrent parentes vacando generatione; sed qui cooperatur ad alterius peccatum, & concurredit ad ipsius spirituale documentum, peccatum: ergo etiam parentes per generationem prolis currendo ad ejus documentum spirituale, nempe peccatum originale, peccabunt.

Respondeo, negando assumpsum, & suppositum probationis, quod Adamus mediat, & proximi parentes proxime concurrent ad traductionem peccati originalis: cum enim iuxta dicenda in sequenti disputatione, illa traductio fiat propterea, quod semen humanum habeat privativam parentem illius vigoris, quo in statu innocentiae poterat propagare iustitiam originalem; illa vero privativa parentem dependet a sola voluntate Adami tanquam capitis, ideo proximi parentes nullo modo ad eandem concurrent, aut cooperantur; sed hæc ipsa parentia privativa in solius Adami voluntatem refunditur, & ad actum generationis non nisi concomitant, & per accidens se habet.

siones liberae voluntacis. Aliud voluntarium est terminus & effectus praediti exercitii, & dicitur voluntarium terminativum, quo modo habituelle peccatum diximus esse terminativum voluntarium. Nam & peccatum aliquando sumitur pro actuali voluntatis defectu, quo DEUS offendit, & aliquando pro sequela & macula a peccato relicta, qua peccatum habitualiter dicitur, sed quod non se habeat transirent, sed permanenter.

Notandum secundò. Habituelle peccatum recte dividit in personale, & originale. Illud est, quod in anima resultat ex peccato propriæ voluntate commissum, itud, quod ex voluntate capitinis derivatur. Unde sicut ad personale habituelle peccatum non requiritur, ut actualiter a voluntatis influxu procedat, sed sufficit, quod disponit la per proprium voluntatis influxum procedentem: ita peccatum originale, cum non sit propria voluntate commissum, non requirit, quod a propria parvolorum voluntate procederit, sed sufficit, quod præcesserit actus voluntatis alienæ, que ipsorum voluntas moraliter reputabatur. Quod quidem voluntarium, et si parvulus voluntarium physice sufficit tamen, ut sit & dicatur ipsius voluntarium moraliter, vi moralis transmutationis ipsorum voluntatis in voluntatem Adami facte perducatur & pactum Divinum. De quo

## §. II.

*Exponitur pactum DEI cum Adamo.*

**N**otandum primum. Nomine pacti hoc loco nihil aliud intelligi, quam decretum Divinum Adamo notificatum, quod si Adam DEO obediens in accepta justitia perseveraret, eandem quoque iustitiam originalem in omnes suos posteros ex se gignendos propagaret, & quod Adam fecisset, pro tota sua posteritate fecisse confenseretur. Quo proinde pacto debebant omnium hominum voluntates moraliter transfundi in voluntatem Adami, ipsiusque voluntas haberi moraliter per voluntate totius generis humani in ipsis lumbis etiam physicè contenti.

3. Notandum secundò. Ejusmodi decretum seu pactum esse possibile: nam potest homo in hominem, v. g. procuratorem, & mandatarium, suam transfundere voluntatem, ut, quod ille fecerit, suo nomine factum confeat, eodemque efficiatur, ac si ipsem fecisset: potest supremus Princeps voluntatem subditi, non exceptatio ipsius consensu transfundere in voluntatem alterius, ut voluntatem pupilli in voluntatem tutoris: ergo multò magis DEUS, qui juxta D. August, magis habet in sua potestate voluntates hominum, quā ipsi suas, poruit omniam nostram voluntates conjungere cū voluntate unius principii originarii: præsertim cū nemo nostrum potuisse esse rationabiliter invitus, ubi de summo favore, nempe transfiguratione præstantissimi domini iustitiae originalis naturae humanae proflus indebiti agebat: neque alia conditio onerosa fuerit imposita, quā observantia præceptorum, quā tunc Adamo propter natura integratitatem, Divinorumque auxiliorum abundantiam erat facillima. His positis

4. CONCLUSIO PRIMA. *Ejusmodi pactum cum Adamo initum de facto necessario est admissum.* Ita comm. Catholicorum.

Ratio est. Peccatum originale debet nobis aliqui ratione esse voluntarium [alias enim culpa & peccati imputabilis rationem habere non posse] non est autem voluntarium voluntate propriā, cuius nullus adest actualis & personalis influxus: ergo est voluntarium voluntate alienā ipsius Adæ: sed ex Adami voluntate non potest nobis esse voluntarium, nisi voluntas Adami moraliter habeatur pro nostra voluntate: ergo ut peccatum originale sit nobis voluntarium ex Adami voluntate, debet ipsis voluntas moraliter haberi pro omnium nostrum voluntate. Atqui hoc non habet voluntas Adami ex sua natura, alias non tantummodo primum, sed omnia quæcumque Adami peccata debuissent propagari in posteros: ergo hoc habet ex ordinatione Divina Adamo indicata sub illis verbis: *Quocunque die comederis ex eo, morte morieris: quam Divinam ordinationem ab Adamo acceptatam pactum nominamus indicatum.* *Of. c. 6.* *Ipsi sicut Adam transgressi sunt paucum, ibi prævaricati sunt omnes.* Quæ verba de pacto initio cum Adamo in paradio interpretantur Hieronymus, Cyrillus, Prosper, aliqui.

5. Ex quo intelliges, hoc Divinum decretum, seu pactum necessariè fuisse Adamo manifestatum.

Ratio est. Ut Adami peccatum non tantum esset personale peccatum tanquam hominis privati, sed etiam peccatum capitum, omnes posteriorum voluntates in se moraliter complectentes, debuit ut sic esse ipsi voluntarium: sed nisi fuisset ipsi revelatum, quod esset constitutus caput non solum naturale, sed etiam morale totius posteritatis, qui vel perseverando eidem prædestet, vel prævaricando eidem noceret, non fuisset ipsi ut sic voluntarium, quod enim est propriā voluntate voluntarium, necessariè est præcognitum: ergo oportebat, ejusmodi decretum Adamo esse perspectum, unde etiam pæcli denominationem accepit, in quō duorum mutua notitia & voluntas semper intervenit.

## §. III.

*Reolutio questionis.*

**C**ONCLUSIO SECUNDA. *Peccatum originale ut derivatum in posteros, & in ipsis subjectum non est formaliter sed terminativè, non physicè sed moraliter voluntarium, per ordinem ad voluntatem Adami tanquam capitum.* Ita Thomistæ.

Ratio ex dictis est. Omne peccatum etiam habituale debet esse voluntarium: sed peccatum originale est veri nominis peccatum, & culpa reddenda hominem DEO odiosum: nam ita appellatur Dan. 9. *Ut deleatur iniquitas, & sine nos accipiat peccatum.* Et Jo. 1. *Ecce Agnus DEI, qui tollit peccatum mundi,* ut legit D. Augustinus & Venetab. Beda: ergo debet esse voluntarium. Unde etiam D. August. I. 1. Retr. c. 13. etiam de peccato originali dicit intelligendum, quod alibi dixerat, nullo modo esse peccatum, quod non est voluntarium; atqui non est voluntarium formaliter & physicè voluntate propriā, ut patet; ergo terminativè & moraliter per ordinem ad voluntatem Adami, qui moraliter habebatur pro tota hominum universitate. Quod pulchre exemplificat S. D. hīc q. 81. a. 1. his verbis. *Homines ex Adam derivati sunt tanquam multi membra unius corporis: albus autem unius membra corporalis, puta manus, non est voluntarius voluntate ipsius manus, sed voluntate anime, que prius moveat membrum.* Sic igitur inordinatio, quæ est in ipso homine ex Adam generata, non est voluntaria voluntate ipsius, sed voluntate primi parentis, qui moveat motu generationis omnes, qui ex ejus origine derivantur, sicut voluntas anime moves omnia membra ad actum. Hac S. D.

Ex quibus patet responsio ad rationem difficultatis. Omnis culpa debet esse voluntaria, vel formaliter, vel terminativè, vel voluntate propriā, vel alienā, concedo; tantum formaliter & voluntate propriā, nego. Sed macula originalis non est voluntaria formaliter, & voluntate propriā, concedo; terminativè, & voluntate alienā, nego minorem & consequentiam.

Dices tamen primum. Voluntarium est à principio intrinseco cum cognitione: sed peccatum originale non est in parvulis à principio intrinseco, sed extrinseco, nempe Adamo, & est sine cognitione, cū usū rationis careant: ergo non potest ipsis esse voluntarium.

K. 5

Secunda

Secundò: Voluntarium debet esse liberum, & in ejus potestate, cui voluntarium dicitur: sed originale non est in potestate parvolorum, ut sit, vel non sit: ergo non est ipsis voluntarium.

Respondeo ad I. Voluntarium est à principio intrinseco cum cognitione, si sit voluntarium physicum & formale, concedo; si sit terminativum & morale, nego. Vel subdistingo: Est à principio intrinseco voluntatis alienæ cum cognitione alienæ rationis, concedo; propria, ne-

go. Et sic distincto consequente, nego consequiam.

Ad 2. distingo majorem. Voluntarium personale, quod est voluntarium voluntate persona, debet esse in ejus potestate, concedo; voluntarium capitale, quod est voluntarium voluntate capitis, nego majorem. Ad hoc enim sufficit, quod sit in potestate alienus, qui est caput in natura, inquit S. D. in 2. dist. 30. q. 1. a. 2. ad 1.

## DISPUTATIO XXVII. DE Transfusione peccati originalis.

**C**onclusa peccati originalis existentiâ, proximè discutienda sunt, quæ ad genus causa quasi efficientis pertinent; ubi primò inquiritur, quomodo fiat istius culpa traductio in posteros; Secundò: quodnam sit illud Adæ peccatum, ex quo tanquam radice morali totius humanæ naturæ originalis infectio sequitur; ubi certum quidem est, peccatum originale generatione transfundi in posteros, quam certum est, illud dari, ita definiente Concil. Milevit. c. 2. In parvulis regeneratione mundi, quod generatione contraxerunt. Et Trid. Seff. 6. c. 3. Nisi ex semine Adæ propagari nascerentur, non nascerentur iniqui; cum eâ propagatione per ipsum, dum concipiuntur, priam iniquitatem contrahant. Nihilominus magna est utrinque sententiarum diversitas, ad quam dilucidandam sit

### ARTICULUS I.

#### Quomodo Adæ peccatum traducatur in posteros?

##### SUMMARIUM.

1. Duplex modus infectionis in natura humana.
2. Refutatur error, quod anima sit ex traduce.
3. Causa infectionis originalis non est concepcionis cum ardore libidinis.
4. Sententia communis, quod generatio sit conditione sine qua non.
5. Non satisfaci doctrina S. Thomæ.
6. Sententia quorundam Thomistarum, statuendam physicam propagationem peccati,
7. Impugnatur.
8. Illius fundamenta solvuntur.
9. Nostra & Thomistica sententia
10. Probatur auctoritate D. Anselmi:
11. Et D. Thomæ.
12. Probatur ratione.
13. Quomodo verificetur comparatio inter virtutem semen feminis ad producendam naturam, & propagandum peccatum?
14. Quod anima sit una natura cum carne corrupta, est quid morale.
15. Quomodo verificetur illud axioma: Sicut affirmatio est causa affirmationis, sic &c.
16. Rejicitur positiva qualitas morbida in semine.
17. Semen per analogiam ad instrumenta physica dici potest instrumentum peccati originalis impropositum.
18. Diversitas, cum qua peccatum originale fuit in Adamo, & est in posteris.
19. Quo sensu omnes in Adamo peccaverint, & Adam peccet in omnibus?

##### §. I.

Varii modi exponendi referuntur, & refelluntur.

**N**otandum. Naturam humanam esse pertinato Adæ infectam, duplice modo posse intelligi, primò quoad sufficientiam, debitum & potentiam. Secundò, actu in se, & quoad efficaciam. Primum contigit, quoniam primum Adam, cuius caput, in quo totum genus humanum mortali continebatur, peccavit: tunc enim inducit est necessitas ac debitum actu contrahendi peccatum originale omnibus individuis, quæ natura via generationis ex Adamo nasceretur: alterum vero tunc contingit, quando individuum natura humana per actum generationis ab Adamo propagatur, & anima corpori sic generata infunditur. Quæstione igitur non in priori sensu quoad sufficientiam, sed in posteriori quoad efficaciam & actualiter peccati contractionem infinita

Censuerunt aliqui primò duce Terrulliano, ut habetur apud S. Augustinum, l. de hæres. 66. b. 1. 10. de Genes. ad litt. c. 23. ideo à parvulis contrahi peccatum originale, & quod anima